

Caspar Mauritius

Programma Quo Rector Universitatis Rostochiensis Casparus Mauritius Theol. D. P. P. & Superint. Ad Exequias Quas ... Filiae desideratissimae Catharinae Magdalenae Willebrandes Parentes Moestissimi Hodie ... paratas cupiunt Omnes omnium ordinum Cives Academicos ... invitat : [P.P. sub Sigillo Rectoratus IX. Decemb. Anno M.DC.LVI.]

Rostochii: Kilius, 1656

<http://purl.uni-rostock.de/rosdok/ppn777133032>

Druck Freier  Zugang



I.

PROGRAMMA

Quo

RECTOR UNIVERSITATIS
ROSTOCHIENSIS

CASPARUS MAURITIUS

Theol. D. P. P. & Superint.

Ad Exequias

Quas

VIRTUTIBUS ET NATALIUM SPLENDORIBUS
NOBILISSIMÆ VIRGINI

Filia desideratissima

CATHARINÆ MAG-
DALENÆ Willebrandes

PARENTES MOESTISSIMI

Hodie ad horam l. paratas cupiunt

Omnes omnium ordinum Cives Academi-
cos peramanter & sedulo invitat.



•• (o) ••



ROSTOCHII, Typis Hæredum NICOLAI KILII
Acad. Typogr. Anno 1656.

LB FP Willebrand, Catharina : 8. 1656

AVGVSTINVS.
LATET UNA DIES
VT TIMEATVR
OMNIS DIES.



*Vigilate & orate, quia nescitis, qua hora Dominus venturus sit. Ad excipiendum debitis modis Judicem orbis, nihil melius, nihil conducibilius vigilantia cordis & devotione precum. Ubi hostilis expectatur irruptio, aut occulti metuuntur proditores, vigiliis opus est per urbem dispositis, ne hostium desideria expleantur. Nobis à *σάρκο* bellum cum *σάρκο* hoste infernali est, in cuius societatem veniunt exercitus mundanarum illecebrarum, & si his aures obstruuntur, magnarum adversitatum. Neq; hic quiescit internus proditor, cuius effrenatæ atq; indomitæ affectiones in perniciem animarum nostrarum conspirant. Hic vigilantia opus esse, quis tam mentis inops est, ut non intelligat? Et aperiendum quidem utrumq; animi oculum esse, manifestum est. Alterum sibi vendicat, quicquid ullo modo sauciare conscientiam potest, sive id moliatur Infernalis hostis sive immundus mundus, sive carnis nostræ pestilentissima rebellio. Quæ ut coerceatur, necessaria in primis est cognitio nostri & sollicita exploratio vitiorum, quibus vel alii juxta nobiscum laborant, vel nos met præ aliis obnoxios esse sentimus. Hæc res ad vigilantiam excitandam fovendamq; & excutiendum soporem maximum pondus obtinet. Benè Thomas: *Sicut qui accipere vult castrum aliquod, circuit ipsum, prospiciens, si est in muro aliqua ruptura, vel defectus aliquis, per quem ingredi possit; Sic Demon explorat, an sit aliqua pars murorum cordis minus stabilis, cuius aditu, ad interiora penetrare possit, offert oculis formas illicitas, ut visu destruas castitatem, aures per canora tentat, ut Christianum vigorem temperet, linguam ad convicium provocat, manum injuriis lacessentibus*
ad ca.*

ad caedem infligat, & sic tanquam hostis obsidet muros clausos, Altero oculorum custodiendum est cor nostrum, atq; hic non diurnæ tantum verum etiam nocturnæ excubiæ collocandæ, & firmandum, divinissimis propositis pectus est, nolle nos Divinam majestatem scientes & volentes lædere, velie ambulare secundum Deum, hoc est velle nos totum vitæ curriculum sic instituere, ut tanquam in conspectu DEI versantes, summo nobis studio esse declaremus, ut ad ipsius sanctissimam voluntatem omnia nostra cogitata, dicta, facta componamus. Cogitata inquam. Graviter enim & piè non nemo: Unumquemq; à DEO constitutum esse sui cordis tanquam castris custodem & defensorem adversum hostes. Si ergo non implorato auxilio non expectato succursu à DEO ad primam obsidionem castrum tradat hosti, crimen admittit proditionis manifestum. Quid igitur dicendum de traditione clavium hujus castris, antequam obsidione prematur? Clavis hujus castris est cogitatio. Hæc enim cor aperit: hæc Diabolum introducit. Certè si Diabolo clavem istam spontè tradet, nunquam effugiet proditionis reatum. Clavem autem istam Diabolo tradit. quoties cogitationes in manus ejus tradit, aut cogitat ad voluntatem ejus. Cogitationem volvere est clavem cordis ad apertionem ipsius torquere, ut referetur. Vigilantiæ jungendæ preces. Hæc clavis cœli est, animæ vita. Quod piscibus aqua est, id piis precatio est: Hoc scuto tela Satanae ignita retunduntur, hoc antidoto & amuleto virus pestiferarum cogitationum & lethalium illecebrarum Contagia averuntur: hoc muro mundi cruenta molimina repelluntur: his armis ultimus hostis mors funditur atq; profligatur, & cœleste recluditur regnum. Quidni ergo felicem prædicemus eam, cujus exuviarum, cohonestandarum gratia hæc præfati sumus, Virginem lectissimam, CATHARINAM MAGDALENAM Willebrandes? Quæ in ipso adolescentiæ flore occumbens & vigilantia & precibus ita se munivit, ut devicto Satana, mundo, peccato, morte deniq; Servatoris Jesu merito digna judicata fuerit, quæ cœlestia gaudia nullo tempore terminanda occuparet. Nata est Rostochii XI. April. circa secundam pomeridianam Anno M. DC. XLIII. Patre Viro Amplissimo & Consultissimo, Dn. ALBERTO Willebrand/ J. U. D. & Advocato clarissimo: Matre Lectissima & Virtutum omnium decore splendidissima ELISABETHA COTHMANNIA Avum.

Avum paternum habuit Virum Amplissimum & Excellentissimum.
 Dn. NICOLAUM Willebrandt/ Phil. & J. U. D. Professore[m] hujas Uni-
 versitatis celebratissimum: Aviam paternam, Matronam sexus sui
 Virtutibus decoratissimam CATHARINAM Heins/ Magnifici & Amplis-
 simi Viri, Dn. FRIDERICI Heins/ J. C. i, Sereniss. Mecklenburg. Prin-
 cipum Consilarii, Academiae hujus Professoris, ac tandem Consulis
 ac Syndici hujus Urbis praclarissime meriti Filiam in magno luctu &
 grandaeva aetate hic praesentem. Avus maternus est Vir Magnificus, No-
 bilissimus & Amplissimus JOHANNES COTHMANNUS, J. C. rus,
 Sacri Lateranens. Palatii, aulaeque Caesareae & Imperialis Contistorii
 Comes, & Sereniss. Princ. Mecklenb. ultra triginta sex annos Consi-
 liarius & Cancellarius eminentissimus. Avia materna fuit foemina
 primaria, sed in ipso aetatis flore denata MAGDALENA Krügers/ Vi-
 ri Spectatissimi & Prudentissimi Dn. ULDARICI Krügers, Consulis
 Gustroviensis gravissimi Filia. Proavus Paternus extitit Vir Reveren-
 dus & clarissimus Dn. PETRUS Willebrandt/ Pastor Gorloviensium,
 per plures annos vigilantissimus. Proavia paterna SOPHIA Theologi
 quondam excellentissimi & celebratissimi Dn. ALBERTI GRAWERI
 amita. Proavum maternum habuit THEODORICUM COTH-
 MANNUM Reip. Lemgoviensis Consule[m] Amplissimum, cujus ma-
 jores patricia & consulari dignitate à tricentis annis florere: Proaviam
 paternam, Maternam pientissimam & honestissimam AGNETAM von
 der Lippen, Dn. BERNHARDI von der Lippen/ Comitis Lipp. Can-
 cellarii gravissimi Filiam. His Majoribus orta postquam 16. Apr. di-
 cti anni arbori Vitae CHRISTO per baptismum insita esset, in tenella infan-
 tia elegantioris indolis tanta specimina edidit, ut non tantum Parentum
 animos sibi arctissime devinciret, verum etiam Dn. Avi Materni, quem
 omni observantia devenerata semper fuit, singularem sibi concili-
 aret benevolentiam, cujus ea vis fuit, ut eam per aliquot
 annos Gustrovii esse voluerit, ubi talis evasit privatorum
 Pædagogorum diligentia, ut in legendo, scribendo, & in
 arithmeticis multos suae aetatis aequales imò majores superarit. In pie-
 tate, morum modestia, ac prudentia, uti vegeti erat animi, nec minus
 corporis elegantia à DEO praedita, omnibus ut lumen praeluxit, &
 exemplar ad imitandum fuit. Hoc ipso currente anno, postferias

pentecostes, suos Parentes visitatura huc Rostochium venit, qui eam
rursus dimittere noluerunt, ut & in re œconomicâ informaretur, &
mater eâ quasi alterâ manu ad nutum uteretur, ubi & in omnibus se-
morigeram, parentibus tali morum elegantia se obsequentem præ-
buit, omnibus grata, nemini gravis, ut dici vix possit, quantoperè
ab æqualibus & provecioribus ætate adamata fuerit. In pietate tantos
profectus fecit, quanti vix in tali ætate sperari poterant. fere 100. Psal-
mos memoriâ tenebat, in articulis fidei ex catechismo & corpore do-
ctrinæ christianæ etiam rudiores ex domesticis informavit, ut parentes
omnia, quæ illum sexum decorare possunt, in hæc suâ filiosâ optimi in-
genii & indolis conspexerint: quid ergo non de eâ optimo jure sperare
potuissent? at spes fallaces! Ante octiduum enim, ultimo scil. Novembr.
proh dolor! decumbere cœpit. Vocatus. Decembr. (verb. sunt Excel-
lentis. Viri, Dn. D. Sebastian. Wirsig/ Phil. & Med. D. & Prof. Publ.
celeberrimi, Dn. Collegæ & Amici honorandi) POST MERIDIEM
*offendi virginem ardentissimâ febre, inextinguibili siti, punctio-
nibus internis, aliisq. symptomatibus laborantem; ex maculis
sparsim hinc inde in cutè rubentibus & efflorescentibus vario-
las subesse pronunciaui; præscripsi generosa, specifica medica
menta expellentia.*

Diè Martis 2. Decembris efflorescentiæ dictæ evanuerunt,
urina conspiciebatur pallida, turbida, quæ maxima humorum
agitationis signum præbuit: post meridiem accessit gravis mor-
bi exacerbatio seu paroxysmus cum nausea, vomitu, inquietu-
dine, jectigatione, & insequentis noctis vigiliis; narium hæ-
morrhagia spem quidem morbi salutaris suppeditabat, verum,
cum non larga, sed stillicidium potius fuerit, mihi quodammodo
suspecta videbatur.

Die Mercurii 3. Decembr. manè in conspectum iterum pro-
dierunt nonnullæ variolæ, verum dicto citius iterum evanue-
runt; post meridiem lethalis accessit paroxysmus, cum nausea,
Continuis vomitionibus, anxietatibus, jectigationibus, inquietu-
dine, quæ, cum omnium remediorum vires exploderent,
cum morbo insignem sociatam malignitatem haud obscure
inne-

innuebant: confirmarunt id non tantum jam dicta symptomata concatenata, verum etiam alia supervenientia lethalia, sudor nimirum faciei frigidus, extremorum refrigerationes, pulsus languidus, myurus intermittens; quibus cum symptomatibus lethaliibus postquam usq; ad horam 5. mat. diei Jovis omnium cum jactura virium colluctata est.

In ipso morbo se divinæ voluntati commisit, precibus ad DEUM fufis auxilium sperans, *Ich SOFF ist es dein Wille: wollestu mich aus dieser Noth und Kranckheit erretten/* quantum dolores ferre poterant, patienter quicquid DEO placuerat, tulit. Cum Vir Reverend. Dn. M. Schwandt/ 3. hujus mensis circa vesperam, ubi morbi violentia instabat accerseretur, alacri & blando vultu eum excepit. Qui fœderis baptismatis renovata apud piæ defunctam memoria de potissimis Christianæ fidei capitibus proposuit quæstiones, ad quas piæ defuncta cum sufficienter respondisset, edita devota Confessione ejusq; singulis partibus repetitis & explicatis absolutionem ab omnibus peccatis impetravit. Cæterum, cum symptomatibus gravioribus urgeretur, consultum visum est, ut in sequentem diem communio differetur. Addita tamen informatio de effectu baptismi & voto sacram Cœnam accipiendi ipsi communioni æquivalente, sicut hæc uberius in Funebri Concione exponet antea nominatus Vir Reverendus & Clarissimus Dn. M. Enochus Svvanthenius, Archid. Jacob. vigilantissimus, Collega & in Christo Frater pl. colendus, qui summo mane reversus, sanctissimam animam velut jam jam migraturam è contubernio corporis inter vehementissimos morbi paroxismos, qui etiam jubebant in voto Eucharistici sacramenti beatissimam nostram acquiescere, in pulcherrimæ fidei agonibus penetrantissimis precibus occupatam, fortiterq; militantem vidit, & cui precibus instanti, & de fide in hoc novissimo certamine percontanti etiam cum in summo ore versaretur anima pulcherrima responsa dedit, quæ hic explicare vetat angustia programmatæ, explicabit autem plene illa, quam diximus, concio funebris. Omnino quantum præintensissimis doloribus potuit, inter amplexus æqualium & lectissimarum virginum & honestissimarum matronarum, (quæ omnes tantam patientiam admiratæ, & tam tenellum florem deflorescere, acerbe deplorarunt) piis Psalmis præsertim 6. vers. *Herr sey mir gnädig / denn ich bin*

bin Schwach / heile mich Herr / denn meine Gebeine seynd sehr erschrocken / und meine Seele ist sehr erschrocken / Ach du Herr / wie lange? item Ach mein hergsteibes Jesulein &c. Et saepius reiterando. Ich bin ein Glied an deinem Leib / des Tröst ich mich &c. Ex imis & gravissimis cordis suspiriis ingemuit, & tandem ad circumstantes Ach da seynd die heiligen Engel &c. Et paulo post respirationem ex morbi amaritudine, eos quasi alloquens, & per sanctum Spiritum aeternae vitae gloriam cernens, Ach schliesset auff und lasset mich ein &c. Item Nun werd ich bald diesen Morgen bey meinem Erlöser Christo seyn. Et sic cum morbi doloribus & aeternae beatitudinis desiderio conflictata tandem 4. hujus Decembr. circa 5. matut. placide in Christo obdormivit, cum vixisset 13. annos, 7. menses & 23. dies. Gratulamur pie defunctae de felici exitu ex inquinatissimo hoc mundo ubi malitiae plurimum, ubi omnia sunt viscosa & obsessa laqueis, ubi periclitantur animae, affliguntur corpora, ubi omnia vanitas & afflictio spiritus, quae sunt verba libratissima D. Bernhards, qui ista subjicit: *In mari Massilie de quatuor navibus non perit una: in mari hujus mundi de quatuor animabus vix evadit una.* Evasisit per DEI gratiam nostra mundiq; naufragium. effugit. Istis vos solamini, Moestissimi Parentes, & illa Servatoris pie meditamini: *Talium est regnum caelorum. Non est voluntas Patris caelestis, ut pereat unus de parvulis istis.* Coeterum cum beatae animae exuviae hodie hora prima terrae communi matri sint coaccredendae, rogamus studiosè & hortamur omnes omnium ordinum Cives Academicos, ut in honorem & solatium inclitae familiae, & moestissimorum Parentum frequentes convenire & funeris deductionem praesentia sua honestare dignentur, simul utramq; Rempubl. DE O piis precibus commendent, memores illius: HODIE

MIHI, C R A S TIBI.

P. P. sub Sigillo Rectoratus

IX. Decemb. ANNO

M. DC. LVI.

Conventus fiet in templo

Jacobæo.



Avum paternum habuit Virum Amplissimum
Dn. NICOLAUM Willebrand/ Phil. & J. U. D. P
versitatis celebratissimum: Aviam paternam,
Virtutibus decoratissimam CATHARINAM Hein
sini Viri, Dn. FRIDERICI Heins/ J. Cti, Sereni
cipum Consilarii, Academiae hujus Professoris
ac Syndici hujus Urbis praclarissime meriti Filia
grandava aetate hic praesentem. Avus maternus
bilissimus & Amplissimus JOHANNES COTE
Sacri Lateranens. Palatii, aulaeque Caesareae & I
Comes, & Sereniss. Princ. Mecklenb. ultra trig
liarius & Cancellarius eminentissimus. Avia
primaria, sed in ipso aetatis flore denata MAGD
ri Spectatissimi & Prudentissimi Dn. ULDARIC
Gustroviensis gravissimi Filia. Proavus Paternu
dus & clarissimus Dn. PETRUS Willebrandt/ Pa
per plures annos vigilantissimus. Proavia pater
quondam excellentissimi & celebratissimi Dn. AL
amita. Proavum maternum habuit THEODO
MANNUM Reip. Lemgovienensis Consulem Am
jores patricia & consulari dignitate a tricentis anni
paternam, Maternam pientissimam & honestissim
der Sippen, Dn. BERNHARDI von der Sippen/
cellarii gravissimi Filiam. His Majoribus orta po
cti anni arbori Vita CHRISTO per baptismum insita
tia elegantioris indolis tanta specimina edidit, ut no
animos sibi arctissime devinciret, verum etiam Dn
omni observantia devenerata semper fuit, singul
aret benevolentiam, cujus ea vis fuit, ut
annos Gustrovii esse voluerit, ubi talis e
Paedagogorum diligentiam, ut in legendo,
arithmeticis multos suae aetatis aequales imo majore
tate, morum modestiam, ac prudentiam, uti vegeti er
corporis elegantiam a DEO praedita, omnibus ut
exemplar ad imitandum fuit. Hoc ipso curren

A 3



imum.
as Uni-
Sexus sui
Amplis-
g. Prin-
Consulis
luctu &
as, No-
Jctus,
alistorii
Confi-
emina-
g/ Vi-
onfulis
everen-
sium.
eologi
WERI
OTH-
us ma-
paviam
M von
o. Can-
pr. di-
infan-
entum
quem
oncili-
liquot
rum.
& in-
n pic-
minus
it, &
ferias
ente-